

SCRIPTA

Numéro Scripta : 2390

Auteur(s) : Richard de Beuville, de Neully [écuyer]

Bénéficiaire(s) : Le Désert, Sainte-Catherine de La Perrine (prieuré)

Genre d'acte : charte

Authenticité : non suspect

Datation : 1296, février

Action juridique : vente

Langue du texte : latin

Analyse

Richard de Beuville, de la paroisse de Neully, écuyer, vend, au prieuré de La Perrine pour sept livre et dix sous tournois, 17 boisseaux d'avoine à percevoir tous les ans à la fête de Saint Michel.

Tableau de la tradition

Éditions principales

a. Dubosc François, *Cartulaire de la Manche*, abbaye de la Luzerne, abbaye de Mont-Morel, prieuré de la Perrine, Saint-Lô, Jacqueline fils (Archives départementales de la Manche), 1878, Prieuré de La Perrine, n° XXXII, p. 26-28.

Texte établi d'après a

Notum sit omnibus tam presentibus quam futuris quod ego Ricardus de Bosevilla, armiger, de parrochia de Nuylleio, Baiocensis dyocesis, vendidi, concessi et omnino dimisi viris religiosis ministro et fratribus domus Sancte Katherine de Perrina, Constanciensis dyocesis, de Ordine Sancte Trinitatis et Captivorum, pro septem libris et decem solidis Turonensium, quos habui, decem et septem bussellos avene annui redditus ad mensuram de Humeto ad festum Sancti Michaelis in Monte Gargano, tres panes de tribus denariis, tres gallinas ad Natale Domini et triginta ova ad Pascha, percipiendos et habendos predictos redditus predictis religiosis libere, pacifice et quiete, sine reclamacione mei vel heredum meorum de cetero facienda, salvo tamen jure capitalium dominorum, videlicet per manum Roberti Le Bas aut ejus heredum quinque bussellos avene, unum panem de uno denario, unam gallinam et decem ova cum hommaggio eorumdem ; et, si a solutione predicti redditus aliquando defecerint ad terminos supradictos, volo et concedo quod dicti religiosi faciant suam plenariam justiciam in una pecia terre continente unam acram vel eocirca sita in parrochia de Sancto Michaele in Grania et in toto masnagio in eadem constituto inter terram Roberti de Angulo, ex una parte, et terram Guillermi Le Thelier quam tenet de Michaele deu Verney, ex altera ; item per manum Ricardi Le Rebree aut ejus heredum duos bussellos avene cum hommaggio eorumdem ; et facient dicti religiosi suam plenariam justiciam in una pecia terre continente dimidiam acram vel eocirca sita in dicta parrochia de Grania inter terram Petri filii Milet de Valle, ex una parte, et terram predicti Guillelmi Le Thelier, ex altera ; item per manum Johannis Vauthier aut ejus heredum quinque bussellos avene, unum panem de uno denario, unam Gallinam et decem ova ; et facient dicti religiosi suam plenariam justiciam in duabus peciis terre continentibus unam acram quas tenet ratione uxoris sue, quarum prima sita est in predicta parrochia de Grania inter terram Ricardi Johannis ; ex uno latere, et la devise, ex altero, et tornat et butat super terram ejusdem Ricardi, ex uno capite ; secunda sita est in eadem parrochia de Grania inter terram Droet Herbert, ex uno latere, et butat super campum Sancti Michelis quem tenet supradictus Guillelmus Le Thelier ; item per manum Gaufridi Ameliquet quinque bussellos avene, unum panem de uno denario, unam gallinam et decem ova ad terminos supradictos cum hommaggio eorumdem. Et facient dicti religiosi suam plenariam justiciam in duabus peciis terre continentibus unam

acram vel eocirca, quarum prima sita est in sepedicta parrochia de Grania in Angulo as Vaquelins inter terram sepedicti Gnillelmi Le Thelier, ex una parte, et terram heredum Onfredi Peisson, ex altera ; secunda et ultima pecia terre sita est in sepedicta parrochia de Sancto Michaeli in Grania in predicto Angulo as Vaquelins, inter terram predicti Ricardi Le Rebree, ex una parte, et terram filie Gaufridi Le Thelier, ex altera ; et spina anglici sita est in ista pecia ultimo nominata (sic), donec de predictis redditibus eisdem religiosis fuerit integre satisfactum. Hanc autem venditionem et concessionem ego et heredes mei tenemur sepedictis ministro et fratribus garantizare et defendere bona fide contra omnes vel alibi in nostra propria hereditate, ubicunque sit, valore ad valorem, excambiare, si necesse fuerit, competenter. In cuius rei testimonium dedi jam dictis religiosis presentem cartam sigilli mei munimine roboratam. Actum anno Domini M° CC° nonagesimo quinto, mense februarii, dominica proxima ante Cathedram Sancti Petri.